

Serbski institut Sorbisches Institut

Medijowe wozjewjenje | Medieninformation

Rěčespytnik Serbskeho instituta na profesora powołany Slawist a privatny docent dr. Thomas Menzel

(Budyšin/ 12.11.2020) Slawist a privatny docent dr. Thomas Menzel w Serbskim instituće w Budyšinje bu 30. oktobra wot prezidenta Oldenburgskeje University Carla von Ossietzkeho, prof. dr. Pipera, na nimorjadneho profesora powołany.

Wot 1995 je rěčespytnik Thomas Menzel wědomostny sobudźelačér na wšelakich uniwersitach w němskorěčnym rumje, najprjedy w Oldenburgu, pozdžišo tež w Greifswaldze a Regensburgu. We Freiburgu a Wienje je rěčespytny profesury zastupował. Thomas Menzel je slědžerske projekty k rěčnym změnam w morfologiji a syntaksy słowjanskich rěčow, k němskim požčonkam w pólsčinje a jeje dialektach a k rěčnemu kontaktej mjeńšinowych rěčow přewjedł. Poskića čitanja a seminary wo kulturnych stawiznach słowjanskich ludow, wo pólskej a ruskej gramatice a rěčnych stawiznach kaž tež wo słowjanskich mjeńšinowych rěčach, mjez druhim kašubščinje, rusinščinje a burgenlandskej chorwatščinje. 53-lětny Thomas Menzel džěła wot lěta 2016 w Serbskim instituće w Budyšinje we wotrjedze za rěčespyt.

Prof. dr. Gun-Britt Kohler, direktorka Instituta za slawistiku w Oldenburgu hódnoći slědženje Menzela: „Wědomostny profil knjeza dr. Menzela wuznamjenja so najprjedy jónu na wusahowace wašnje přez swoju nimorjadnu šěrokość, kotraž je nimale jeho jónkrótne znamjo. Wón słuša k małej ličbje młódsich slawistkow a slawistow, kotřiž su wo wjace hač dwěmaj słowjanskimaj rěčomaj publikowali – pólsčina, ruščina, ukrainščina, běloruščina, łemkowščina, serbiščina, chorwatščina, kašubščina, hornjo- a delnjoserbščina.“

Wot lěta 2017 džěła Thomas Menzel, nimo swojeho slědženja k serbskej gramatice, na sorabistiskim přinošku za Słowjanski rěčny atlas Mjezynarodneho komiteja slawistow sobu. Tutón rěčny atlas je dołhodobny multilateralny slědžerski projekt słowjanskich krajow a Němskeje. Je to přenje makrodialektologiske předewzaće, kotrež zjima informacije wo dialektnych rozdzělach we wobłuku cyłjeje rěčneje swójby.

Wot lěta 2018 je Thomas Menzel tež sobustaw Komisije za słowjanske rěčne kontakty při Mjezynarodnym komiteju slawistow. Komisija so zaběra z wliwom, kotryž ma kontaktna abo susodna rěč na gramatiku a słowoskład přepytowaneje rěče. Wot lěta 2020 zastupuje Menzel Serbow w Mjezynarodnym komiteju slawistow, kotryž wuhotuje kóžde pjeć lět Mjezynarodny kongres slawistow.

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnoserbiske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de



**Serbski Sorbisches
institut Institut**

Tež direktor Serbskeho instituta, dr. Hauke Bartels, wjeseli so přez spožčenje titula: „Je wažne, so ze sorabistiskim rěčespytom přeco tež we wjetšim konteksće slawistiki zaběrać. Runje w tutym wobłuku wudospołnja cyłkowny profil Thomasa Menzela idealnje rěčespytny wotrad Serbskeho instituta. Wjeselu so, zo smy jeho za sorabistiku dobyć móhli a zo dóstanu jeho slědženja z nowym titulom připóznaće. Ze swojim wuwučowanjom budže dale zajim za Serbow a serbšćinu budzić móc.”

Thomas Menzel bydli nětko štyri lěta we Łužicy a rěči mjeztym hornjoserbsce.

Dalše informacije:

<https://uol.de/slavistik/das-institut/lehrbeauftragte>
<https://www.serbski-institut.de/de/Thomas-Menzel/>

Narěčenska wosoba za zastupjerjow medijow:

Madlen Domašcyna
Referentka za wědomostnu komunikaciju a zjawnostne dźěło

Tel. 0176 63119148
madlen.domaszczyna@serbski-institut.de